



UNIVERSITÄTS-
BIBLIOTHEK
PADERBORN

Universitätsbibliothek Paderborn

Petri Danielis Huetii Demonstratio Evangelica

Huet, Pierre Daniel

Parisiis, 1679

I. Ex eo quod Jesus sit sacerdos, sequitur esse Christum.

urn:nbn:de:hbz:466:1-16260

PROPOSITIO IX.

410

sacerdotium . . . Talis enim decebat ut nobis esset Pontifex, sanctus, innocens, impollutus, segregatus a peccatoribus, & excelsior calis factus, qui non habet necessitatem quotidie, quemadmodum sacerdotes, prius pro suis delictis hostias offerre, deinde pro populi: hoc enim fecit semel seipsum offerendo. Lex enim homines constituit sacerdotes infirmitatem habentes, sermo autem jurisjurandi, qui post Legem est, Filium in eternum perfectum.

Ebr. 8.1,2. Capitulum autem super ea dicuntur, Talem habemus Pontificem, qui condidit in dextera sedis magnitudinis in calis sanctorum minister, & tabernaculi veri, quod fixit Dominus, & non homo.

Ebr. 9.10,11. Christus autem assistens Pontifex futuorum bonorum, per amplius & perfectius Tabernaculum, non manu factum, id est, non hujus creationis; neque per sanguinem hincorum aut vitulorum, sed per proprium sanguinem introivit semel in Sancta, eterna redemtione inventa.

Ebr. 10.11,12. Omnis quidem sacerdos presbiter est quotidie ministrans, & easdem sepe offerens hostias, que nunquam possunt auferre peccata: hic autem unam pro peccatis offerens hostiam, in sempiternum sedet in dextera Dei.

I. *SPLENDIDUM est, & ad reprimendam Iudeorum contumaciam accommodatum prædictum illud, quod extat in Psalmo centesimo nono, ubi Christus futurus esse prædictur sacerdos secundum ordinem Melchisedec. Ac Psalmum quidem hunc humano generi Christum promittere satis probavimus in Propositione septima, Jesu vero imaginem in Melchisedeco positam fuisse ostendemus ad calcem Parallelimi, ubi varios Jesu typos colligimus e Veteri Testamento. Quo uno argumento Messiam sive Christum, hoc est Unctum, merito dei, ac revera esse Jesum Dominum facile vincimus. Triplex enim hominum genus inter Ebraeos unctionis ceremoniis consecrabatur; Sacerdotes, Reges &, Prophetae. At utramque saltem dignitatem Sacerdotis ac Regis gessit Melchisedec, rex Salem, & Dei altissimi sacerdos: gessit utramque & Jesus, rex justitiae & pacis, aeternus Pontifex, semper vivens ad interpellandum pro nobis; gessit & prophetican præterea, ut suo docebimus loco, proindeque vere Christus est sive Messias, Unctus videlicet, non oleo illo de arboribus expresso, sed oleo laetitiae; cum nimis gratia & virtute Spiritus sancti natura ejus humana perfunderetur; quod & ipse de se prædicat apud Isaiam: *Spiritus Domini super me, eo quod unxerit Dominus me.* Egregie hoc argumentum prolequitur Eusebius non uno loco. Cautum erat, inquit, Iudeorum legibus, ne quis sine unctione sacerdotium gereret; quamobrem & sacerdotes dicebantur Christi. Quem ergo sacerdotem esse Psalmus declarat, Unctum fuisse necesse est. Tum subjicit, juxta doctrinam capite octavo Epistola ad Ebraeos traditam, unctionem illam Aaronis a Mose administratam, secundum exemplar ipsi in monte monstratum, figuram fuisse unctionis Christi, ipsumque Aarone *ενώδη καὶ εἰσωδή* sacerdotem fuisse, typum videlicet ac simulacrum veri sacerdotis Christi Filii Dei, qui in celo Patri assideret. Cum autem Philo in libro De somniis, & in libro De exilibus, Primogenitum Verbum Dei esse Pontificem, consentit popularium suorum doctrinæ, qui Filium Dei & Verbum Dei fore Messiam credunt, Messiam autem sacerdotem; atque id in Psalmo centesimo nono significatum esse arbitrantur. Ceterum notabile est, quod in Midrasch Thehillim legitur, sacerdotii dignitatem ab Israëlitis propter peccata ablatam, ad gentes fuisse translatam. Quare & gentem suam reprobata, & vocatos esse a Deo Ethnicos, proindeque & Christum jam venisse fatentur. Messiam quippe vocationis gentium auctorem suis hic saepe probatur locis.*

Ebr. 7.15.

*Isa. 61.1.
Euseb., Dem.
Iib. 4. & 5.*